

**November 22, 2022**

**Dr. EDGARDO E. TULIN**  
President  
Visayas State University  
Visca, Baybay City, Leyte

Thru: **Dr. DILBERTO O. FERRAREN**  
VP for Planning Resource Generation and Auxiliary  
Services

**Dear President Tulin:**

Kami nga mga rice cultivators sa income generating project sa humay (IGP-rice) sa Visayas State University mohangyo unta sa management sa pag-usab o pagbag-o sa maong binahinay o net sharing sa abot sa humay sugod karong umaabot nga tuig 2023 (January-April). Na-agni kami ani sa paghimo ug hiniyang paghangyo ngadto sa management sa VSU tungod sa dakong pagsaka sa presyo sa abono, pestisidyo, suhol sa labor ug pagtaas sa bayad sa pag-harvest ug pag-thresher. Ang pag-usab sad sa klima ug pag-atake sa insekto sama Black bug, Piyangaw, ug pagdaghan sa Maya/Gorion dako kaayo ug epekto sa pag-ubos sa among abot kada cropping.

Ang among apila o proposal sa management mao ang pag-usab sa binahinay (net sharing) gikan sa 1/3 (VSU): 2/3 (Cultivators) ngadto sa 1/4 (VSU): 3/4 (Cultivators). Ang among gibasihan ani nga proposal subay sa karon nga binahihinay nga gisunod sa mga rice tenants ug mga tag-iya sa humayan dire sa barangay Patag, Gabas ug Pangasugan.

Ang pagpili sa VSU kanamo nga mga rice cultivators naghatag gayod ug dako nga tabang sa among income ug panginabuhian labi na kay mga pamilyado kami. Pero tungod sa kausaban sa dagan sa ekonomiya sa Pilipinas ug sa kalibutan ni-resulta kini ug pagtaas sa mga pamaliton ug suhol nga naka-apekto sad sa among gastos sa pag-atiman ug humay; busa kami mohangyo kanimo.

Naghinaut kami nga ma-approbahan ang among hangyo. Daghang salamat ug Advanced Merry Christmas.